

BOSNA I HERCEGOVINA
FEDERACIJA BOSNE I HERCEGOVINE
Vlada Federacije Bosne i Hercegovine

Nacrt - skraćeni postupak

ZAKON
O IZMJENAMA I DOPUNAMA
ZAKONA O STOČARSTVU

Sarajevo, decembar 2019. godine

ZAKON O IZMJENAMA I DOPUNAMA ZAKONA O STOČARSTVU

Član 1.

U Zakonu o stočarstvu („Službene novine Federacije BiH“, broj 66/13), član 3. mijenja se i glasi:

"U ovom Zakonu upotrebljavaju se pojmovi sa slijedećim značenjem:

1. Stočarstvo je grana poljoprivrede koja se bavi uzgojem i držanjem domaćih životinja za privredno iskorištavanje;
2. Pasma je populacija životinja koje su dovoljno ujednačene da bi se mogle smatrati različitim od drugih životinja iste vrste od strane jedne ili više skupina uzgajivača koji su pristali upisati te životinje u svoje matične knjige s detaljima o njihovim poznatim precima radi reproduciranja njihovih naslijeđenih obilježja, razmnožavanjem, razmjenom i selekcijom u okviru uzgojnog programa;
3. *Uzgoj domaćih životinja* je ciljani odabir jedinki za plansko sparivanje zbog stvaranja uzgojno valjanog potomstva, poboljšanja njegovih proizvodnih svojstava i postizanja veće uzgojne vrijednosti potomstva u odnosu na roditeljsku generaciju;
4. Uzgojno vrijedna životinja je umatičena ili upisana domaća životinja te matično jato peradi i to:
 - a. matična životinja čiste pasmine upisana u matičnu knjigu, čiji su roditelji, djedovi i bake upisani u matičnu knjigu iste pasmine;
 - b. upisana životinja čiste pasmine ili križanac poznatih roditelja, odnosno kod izvornih i zaštićenih pasmina životinje koje zadovoljavaju kriterij za tu pasminu, upisana u Registar uzgoja;
 - c. matično jato čiste pasmine ili hibrid upisan u centralni popis matičnih jata;
5. Linija je genetski stabilna i ujednačena populacija uzgojno valjanih životinja čistih pasmina pojedine pasmine;
6. Federalno ministarstvo poljoprivrede, vodoprivrede i šumarstva je „nadležno tijelo“ zaduženo za poslove centralne koordinacije i kontrole uzgojno selekcijskog rada, nadzor uzgojno selekcijskog rada i provedbu ovog zakona u Federaciji (u daljem tekstu: Federalno ministarstvo);
7. Federalni agromediterranski zavod Mostar i Federalni zavod za poljoprivredu Sarajevo (u daljem tekstu: Federalna uzgojno-selekcijska služba) — samostalne upravne organizacije koje u smislu ovog Zakona i Zakona o federalnim ministarstvima i drugim tijelima federalne uprave („Službene novine Federacije BiH“, br. 58/02, 19/03, 38/05, 2/06, 8/06, 61/06 i 48/11), obavljaju stručne i analitičke poslove iz oblasti uzgojno-selekcijskog rada u Federaciji;
8. Kantonalna uzgojno selekcijska služba je organizaciona jedinica u kantonalnom ministarstvu ili kantonalnom zavodu (u daljem tekstu: kantonalna uzgojno-selekcijska služba) nadležnom za poslove stočarstva i zadužena za obavljanje uzgojno selekcijskog rada;
9. Centralni registar je centralni skup svih podataka o uzgojno vrijednim životinjama u Federaciji BiH, popis svih pasmina i sojeva koji se uzgajaju u Federaciji a koji se vodi u Federalnom ministarstvu;

10. Matična knjiga je knjiga, popis, kartoteka, datoteka ili neki drugi oblik evidentiranja podataka u elektronskoj formi, o matičnim životinjama iz programa uzgoja čiste pasmine, da bi se te životinje mogle identificirati, te da bi se moglo dokazati porijeklo i proizvodnost tih životinja;
11. Registar uzgoja je registar (knjiga, popis, kartoteka, datoteka ili neki drugi oblik evidentiranja podataka u elektronskoj formi) o životinjama iz programa osjemenjivanja, križanja i odabira životinja iz populacije, a da bi se one mogle identificirati, te da bi se moglo dokazati porijeklo;
12. Zootehnika je sistem tehničko-tehnoloških postupaka u uzgoju i iskorištavanju životinja;
13. Izvorne pasmine su pasmine domaćih životinja nastale na teritoriji Bosne i Hercegovine;
14. Matica pčela je rasplodna ženka u pčelinjoj zajednici;
15. Pčelinja zajednica je roj pčela u košnici sa pripadajućim saćem, koji se sastoji od jedne matice, radilica i trutova tokom proizvodne sezone;
16. Pčelarstvo je držanje i gajenje pčela, proizvodnja matica pčela, meda i drugih pčelinjih proizvoda;
17. Soj je uža skupina životinja unutar pasmine sličnih nasljednih osobina;
18. Natprosječna životinja je umatičena uzgojno vrijedna životinja koja je prema nasljednim osobinama iznad prosjeka uzgoja kojem pripada;
19. „Uzgoj domaćih životinja“ je ciljani odabir jedinki za plansko sparivanje zbog stvaranja uzgojno vrijednog potomstva, poboljšanje njegovih proizvodnih svojstava i postizanja veće uzgojne vrijednosti potomstva u odnosu na roditeljsku generaciju;
20. Stvaranje uzgojno vrijednih životinja skup je uzgojno selekcijskih postupaka i mjera kojima se izgrađuje genetski vrijedna i u populaciji natprosječna životinja;
21. Uzgojni program je skup sistemskih djelovanja, uključujući bilježenje, selekciju, uzgoj i razmjenu uzgojno vrijednih životinja i njihovih zametnih proizvoda koje je osmišljeno i provodi se radi očuvanja ili poboljšanja željenih fenotipskih i/ili genotipskih obilježja u ciljnoj uzgojnoj populaciji;
22. Ispitivanje proizvodnosti je postupak utvrđivanja proizvodnosti životinja, uključujući kvalitet proizvoda, a cilj je procjena uzgojnih vrijednosti u usmjeravanju tehnologije njihova iskorištavanja;
23. Uzgojna vrijednost je procjena očekivanog učinka genotipa uzgojno vrijedne životinje na određeno obilježje njenog potomstva;
24. Testiranje je postupak procjene uzgojnih vrijednosti primjerenim metodama i tehnološko-tehničkim postupcima;
25. Test na vlastiti rast i razvoj (performance test) postupak je procjene uzgojne vrijednosti za osobine rasta i razvoja testirane jedinice;
26. Test po potomstvu (progeni test) postupak je procjene uzgojnih vrijednosti životinje na osnovu podataka o proizvodnim osobinama potomaka;
27. Kontrolni test postupak je utvrđivanja uspješnosti križanog uzgoja;
28. Križanje je sparivanje životinja različitih pasmina, sojeva i linija da bi se dobile proizvodno vrijednije životinje;
29. Licenciranje je uzgojna mjera odabira i ocjene rasplodnjaka za prirodni pripust;
30. Genetska manipulacija plansko je mijenjanje genoma pojedinih životinja;
31. Genetski materijal je sjeme, jajne stanice i zametci prikupljeni ili proizvedeni od uzgojno valjanih životinja u svrhu potpomognute reprodukcije;

32. Genetska raznolikost stepen je učestalosti gena unutar vrste;
33. Hibrid je životinja dobivena sistematskim i smislenim postupcima križanja;
34. Proizvodna osobina privredni je važna i mjerljiva osobina životinje;
35. Pedigre je potvrda o porijeklu i proizvodnim osobinama matičnih životinja;
36. Potvrda o porijeklu je isprava o porijeklu upisane životinje;
37. *Uzgajivač* je osoba koja odabire jedinke domaćih životinja namijenjenih uzgoju za sparivanje s ciljem stvaranja uzgojno valjanog potomstva i koja učestvuje u provedbi odobrenog uzgojnog programa;
38. *Vlasnik domaće životinje* u smislu ovoga Zakona je svaka fizička i pravna osoba koja ima pravo vlasništva nad domaćom životinjom.
39. Uzgojno gazdinstvo je gazdinstvo registrirano za uzgoj uzgojno vrijednih grla životinja, u skladu sa ovim zakonom i proisteklim podzakonskim aktima;
40. Uzgojno društvo je pravno lice koje predstavlja farmu ili više farmi koje u uzgoju koriste kombinacijske sposobnosti pasmina ili linija;
41. Udruženje uzgajivača je interesna grupa uzgajivača, čiji je osnovni cilj genetsko unaprjeđivanje domaćih životinja provođenjem uzgojnog programa;
42. Savez uzgajivača je interesna grupa više udruženja uzgajivača, a cilj mu je genetsko unaprjeđivanje domaćih životinja provođenjem uzgojnog programa u Federaciji;
43. Centar za reprodukciju je mjesto koje odgovara biološkim zahtjevima za oplodnju životinja;
44. Izložba domaćih životinja je manifestacija sa karakterom unaprjeđenja stočarstva, ocjene pojedinačnih uspjeha u uzgojnim programima pojedinih vrsta stoke i pasmina, sa statusom lokalnog, entitetskog i/ili međunarodnog značaja;
45. Stočarska aukcija je manifestacija prodajno-izložbenog karaktera;
46. Izložbeni i/ili aukcijski prostor je registrirana lokacija koja ispunjava tehničko-tehnološke zahtjeve za održavanje ovih manifestacija;
47. Proizvodi životinjskog porijekla su: žive životinje, meso u obliku trupova i polutki, svježe mlijeko, vuna, jaja, med i stajnjak;
48. Ovlaštena ustanova pravni subjekt s ovlaštenjem za obavljanje određenih stručnih i drugih poslova vezanih za uzgojno selekcijski rad u stočarstvu.
49. Trgovina je kupovina, prodaja, razmjena ili drugi način stjecanja ili puštanja životinja ili njihovih zametnih proizvoda".

Član 2.

U članu 4. stav (4) mijenja se i glasi:

“(4) Uzgojne programe iz stava (1) ovog člana donosi federalni ministar poljoprivrede, vodoprivrede i šumarstva (u daljem tekstu: federalni ministar) na prijedlog Federalne uzgojno-selekcijske službe uz mišljenje kantonalnog ministarstva“.

Stav (6) ovog člana mijenja se i glasi:

„(6) Uzgojno društvo donosi i provodi vlastiti uzgojni program koji je u skladu sa odredbama iz stava (3) ovog člana i usklađen sa federalnim uzgojnim programom iz stava (1), ovog člana“.

Iza stava (6) ovog člana dodaje se novi stav (7) koji glasi:

“(7) Odobrenje za provođenje uzgojnog programa iz stava (6) ovog člana uzgojnom društvu, izdaje Federalno ministarstvo, na osnovu potvrde Federalne uzgojno-selekcijske službe“.

Član 3.

U članu 5. riječ „popis“ zamjenjuje se sa riječi: “registar”.

Član 4.

U članu 6. stav (2) mijenja se i glasi:

“(2) Registar uzgajivača uzgojno vrijednih životinja vodi Federalno ministarstvo na osnovu evidencije kantonalne i federalne uzgojno-seleksijske službe”.

Član 5.

U članu 8. st. (1), (2) i (3) riječ: “institucije“ zamjenjuje se sa riječi: “ustanove”.

Član 6.

U članu 9. stava (3) riječi: “ovlaštena ustanova“ zamjenjuje se riječima: “Federalna uzgojno-seleksijska služba”.

Član 7.

U članu 10. stava (2) riječi: “ovlaštena ustanova“ zamjenjuju se riječima: “Federalna uzgojno-seleksijska služba”.

Član 8.

U članu 12. riječi: “kantonalne uzgojno seleksijske službe“ zamjenjuju se riječima: “Federalne uzgojno-seleksijske službe”.

Član 9.

U članu 13. stav (1) riječ: “Federacije“ zamjenjuje se sa riječima “Bosne i Hercegovine”.

U stavu (2) ovog člana riječi: “uzgojno-seleksijska služba“ zamjenjuju se riječima: “Federalno ministarstvo”.

U stavu (3) ovog člana, iza riječi: “obavlja se prema“ dodaje se riječ: “posebnim”.

Stav (6) ovog člana mijenja se i glasi:

„(6) Listu izvornih i zaštićenih pasmina i sojeva domaćih životinja te određenog broja grla na prijedlog Federalne uzgojno seleksijske službe i naučnih ustanova donosi federalni ministar, koja se objavljuje u “Službenim novinama FBiH”.

Član 10.

U članu 14. stava (1), ispred riječi: “Pasmine“ dodaje se riječ: “Nove”.

Član 11.

U članu 16. stav (3) mijenja se i glasi:

„(3) Provjeru porijekla i ocjenu vanjštine rasplodnjaka obavlja Federalna uzgojno-seleksijska služba u saradnji sa kantonalnom službom, a reproduksijsko zdravstveno stanje nadležna veterinarska služba”.

Član 12.

U članu 17. stav (1) riječ „popis“ zamjenjuje se sa riječi: “registar“.

Član 13.

U članu 18. stav (4) riječi: “centralna uzgojno-seleksijska služba“ zamjenjuje se riječima: “Federalno ministarstvo“.

Član 14.

U članu 20. stav (3) riječi: “ovlaštenih i naučnih institucija“ zamjenjuju se riječima: “Federalne uzgojno-seleksijske službe i naučnih ustanova“.

Stav (4) ovog člana mijenja se i glasi:

„(4) Način rada Komisije za ocjenu muških rasplodnih grla propisuje federalni ministar na prijedlog Federalne uzgojno-seleksijske službe“.

U stavu (6) istog člana riječi: “ovlaštena ustanova“ zamjenjuju se riječima: “Federalna uzgojno-seleksijska služba“.

Član 15.

U članu 22. stav (1) riječi: “službi i ovlaštenoj ustanovi“ zamjenjuju se riječima: “i Federalnoj uzgojno-seleksijskoj službi“.

Član 16.

U članu 24. riječi: “ovlaštenih ustanova“ zamjenjuju se riječima: “Federalne uzgojno-seleksijske službe“.

Član 17.

U članu 25. stav (4) riječi: “ovlaštena ustanova“ zamjenjuju se riječima: “Federalna uzgojno-seleksijska služba“.

Član 18.

U članu 26. stav (1) iza broja: “52/09“ dodaje se broj: “i 57/12“, a riječi: “ovlaštene ustanove“ zamjenjuju se riječima: “Federalne uzgojno-seleksijske službe“.

Član 19.

U članu 27. stav (1) riječi: “ovlaštene ustanove“ zamjenjuju se riječima: “Federalne uzgojno-seleksijske službe“.

U stavu (2) ovog člana tačka b. alineja 2. riječi: “ovlaštene ustanove“ zamjenjuju se riječima: “Federalne uzgojno-seleksijske službe“.

Član 20.

Član 31. zakona, briše se.

Član 21.

Iza člana 40. dodaje se novi član 40a. koji glasi:

- (1) Proizvodi životinjskog porijekla, u smislu ovog Zakona su: žive životinje, meso u obliku trupova i polutki, svježe mlijeko, vuna, jaja, med i stajnjak.
- (2) Proizvodi životinjskog porijekla moraju odgovarati propisanim uvjetima o kvalitetu stočnih proizvoda.
- (3) Ispravnost proizvoda životinjskog porijekla u pogledu kvaliteta utvrđuje pravno lice na osnovu rješenja o kontroli kvaliteta proizvoda životinjskog porijekla koje donosi federalni ministar“.
- (4) Propise o kvalitetu proizvoda životinjskog porijekla i uslove koje mora ispunjavati pravno lice iz prethodnog stava donosi federalni ministar.

Član 22.

U članu 41. stav (1) mijenja se i glasi:

“(1) Provođenje uzgoja uzgojno vrijednih životinja obavljaju uzgajivači, odnosno, udruženja uzgajivača, savez (u daljem tekstu: uzgojne organizacije), kantonalna i Federalna uzgojno-seleksijska služba“.

Član 23.

Član 42. mijenja se i glasi:

- (1) Pravna osoba koja se bavi uzgojem domaćih životinja s namjerom stvaranja uzgojno vrijednih domaćih životinja podnosi federalnom ministarstvu zahtjev za priznavanje uzgojne organizacije (u daljnjem tekstu: uzgojna organizacija).
- (2) Uz zahtjev iz stava (1) ovoga člana prilažu se dokazi o ispunjavanju uslova koje propisuje federalni ministar.
- (3) Zahtjev iz stava (1) ovoga člana razmatra stručna komisija (u daljnjem tekstu: komisija) koju osniva federalni ministar.
- (4) Sastav komisije čine predstavnici Federalnog ministarstva, Federalne uzgojno-seleksijske službe i naučne ustanove.
- (5) Komisija donosi Poslovnik kojim uređuje način svoga rada.
- (6) Ministarstvo na osnovu mišljenja Komisije o zahtjevu iz stava (1) ovoga člana odlučuje rješenjem.
- (7) Protiv rješenja iz stava (6) ovoga člana nije dopuštena žalba, već se može pokrenuti upravni spor.
- (8) Uzgojne organizacije priznaju se na period od deset godina.
- (9) Ministarstvo vodi registar priznatih uzgojnih organizacija (u daljnjem tekstu: Registar) u elektronskom obliku koji sadržava sljedeće podatke:
 - a) broj uzgojne organizacije u Registru,
 - b) naziv i sjedište uzgojne organizacije,
 - c) datum priznavanja i teritorijalni djelokrug rada,
 - d) broj članova i broj uzgojno valjanih životinja pri osnivanju,
 - e) imena stručnih uposlenika i ime ovlaštene osobe za zastupanje.
- (10) Uzgojne organizacije dužne su Ministarstvu dostaviti podatke i dokaze o promjenama u statutu, nazivu, sjedištu, djelatnosti koja se odnosi na uzgoj uzgojno valjanih životinja, imenima stručnih osoba, imenima osoba ovlaštenih za zastupanje te promjene u uzgojnom programu.

(11) Popis priznatih uzgojnih organizacija koje se bave uzgojem Ministarstvo objavljuje na web stranici federalnog ministarstva“.

Član 24.

U članu 43. stav (1) tačka: “3.“ briše se, a tač.: “4, 5 i 6“ postaju tačke: “3, 4. i 5“.

Član 25.

Član 45. zakona, briše se.

Član 26.

Član 46. mijenja se i glasi: “

- (1) Uzgojne organizacije i ovlašteni uzgajivač su dužni najkasnije do kraja prvog mjeseca tekuće godine poslati kantonalnoj i federalnoj uzgojno-selekcijskoj službi izvještaj o provođenju uzgojnog programa za proteklu godinu.
- (2) Kantonalna i Federalna uzgojno selekcijska služba može zatražiti sve podatke o rezultatima rada uzgojne organizacije i ovlaštenog uzgajivača, te imaju pravo uvida u njihovu dokumentaciju.
- (3) Obradene podatke za sve subjekte iz stava (1) ovog člana kantonalne uzgojno selekcijske službe obavezne su dostaviti Federalnoj uzgojno selekcijskoj službi do kraja drugog mjeseca tekuće godine za proteklu godinu“.

Član 27.

U članu 47. stav (1) tačka 2) mijenja se i glasi: “vodi matične knjige uzgojno vrijednih životinja na svom stadu, te podatke o tome dostavlja udruženju uzgajivača, Federalnoj i kantonalnoj uzgojno-selekcijskoj službi“.

U istom stavu, iza tačke 2) dodaje se nova tačka koja glasi:

“3. aktivno učestvuje u kontroli proizvodnosti na svojoj farmi prema uputstvu kantonalne i Federalne uzgojno selekcijske službe“.

U stavu (2) istog člana tač. 2) i 3) mijenjaju se i glase:

1. „Vodi registar uzgajivača uzgojno vrijednih životinja, registar članova udruženja te podatke o tome dostavlja savezu uzgajivača, kantonalnoj i Federalnoj uzgojno-selekcijskoj službi.
2. Organizuje samostalno ili zajedno sa savezom uzgajivača, odnosno kantonalnom ili Federalnom uzgojno-selekcijском službom prodaju uzgojno vrijednih životinja za članove udruženja“.

Član 28.

Član 48. mijenja se i glasi: “

(1) Federalno ministarstvo je nadležno tijelo za provođenje ovog zakona, a u provođenju uzgoja i selekcije obavlja slijedeće poslove:

1. Vodi centralni registar uzgojno vrijednih životinja u Federaciji, svih vrsta, pasmina, sojeva i hibrida;
2. Vodi registar uzgajivača uzgojno vrijednih životinja u Federaciji;
3. Vodi registar uzgojnih organizacija;

4. Vodi registar autohtonih pasmina domaćih životinja;
5. Uspostavlja informacijski sistem za praćenje uzgoja svih vrsta uzgojno vrijednih životinja u Federaciji;
6. Daje saglasnost na uzgojne programe i učestvuje u kontroli i provedbi istih;
7. Saraduje sa Savezom i Udruženjima uzgajivača pojedinih vrsta i pasmina uzgojno vrijednih životinja, organizuje i prati trgovinu uzgojno vrijednih životinja;
8. Učestvuje u radu komisije za priznavanje rada uzgojnih organizacija;
9. Donosi propise iz oblasti stočarstva i stara se za njihovu implementaciju;
10. Nadzire rad kantonalne i Federalne uzgojno selekcijske službe.

(2) Kantonalna uzgojno-selekcijska služba obavlja slijedeće poslove:

1. Vodi matične knjige i registar uzgoja s područja kantona i podatke dostavlja Federalnoj uzgojno-selekcijskoj službi;
2. Obavlja kontrolu proizvodnosti uzgojno vrijednih životinja po uputstvu Federalne uzgojno selekcijske službe;
3. Obraduje rezultate kontrole proizvodnosti i dostavlja ih Federalnoj uzgojno-selekcijskoj službi;
4. Dostavlja uzgajivačima na korištenje obrađene uzgojno selekcijske podatke o njihovim uzgojno vrijednim grlima;
5. Učestvuje u komisijama za licenciranje rasplodnjaka i ocjenu muških rasplodnih grla;
6. Organizuje i prati trgovinu uzgojno vrijednih životinja u saradnji sa udruženjem i savezom uzgajivača;
7. Učestvuje u aktivnostima vezanim za organizovanje takmičenja, sajмова, aukcijskih izložbi domaćih životinja i izbor ocjenjivačke komisije;
8. Obavlja i druge poslove u području uzgojno selekcijskog rada na prostoru svog djelovanja;
9. Za obavljanje poslova iz tačke 2) i 3) ovog stava kantonalno ministarstvo može ovlastiti pravni subjekt koji zadovoljava propisane uslove.

(3) Federalna uzgojno-selekcijska služba obavlja stručne i analitičke poslove u oblasti uzgojno-selekcijskog rada i druga pitanja važna za efikasnost i unaprjeđenje stočarstva na teritoriji Federacije koji su od posebnog značaja za Federaciju, a određeni su ovim Zakonom i na osnovu njega donesenim podzakonskim aktima i to:

1. Vodi matične knjige;
2. Izrađuje i predlaže uzgojne programe za pojedine pasmine domaćih životinja;
3. Organizuje kontrolu proizvodnosti uzgojno vrijednih životinja i izrađuje uputstvo za kontrolu proizvodnih osobina i procjene uzgojne vrijednosti.
4. Izdaje isprave o porijeklu i proizvodnim osobinama u saradnji sa kantonalnim uzgojno-selekcijskim službama;
5. Obavlja procjene uzgojnih vrijednosti uzgojno vrijednih životinja i kvaliteta križanih životinja
6. Provodi testiranje uzgojno vrijednih životinja.
7. Izrađuje i predlaže liste autohtonih i zaštićenih pasmina sa mjerama za njihovo očuvanje.

8. Izdaje stručna mišljenja za uvoz uzgojno vrijednih životinja i genetskog materijala;
9. Prati uvoz uzgojno vrijednih životinja i genetskog materijala te o tome vodi evidenciju i izrađuje izvještaje;
10. Izdaje stručna mišljenja uzgajivačima i uzgajivačkim udruženjima o zadovoljenju minimalnih zootehničkih i organizacionih uslova za provedbu uzgoja uzgojno vrijednih životinja;
11. Organizuje obuke za kantonalne uzgojno selekcijske službe, udruženja i organizacije.
12. Učestvuje u komisijama za licenciranje rasplodnjaka i ocjenu muških rasplodnih grla;
14. Prati uzgojne i upotrebne vrijednosti rasplodnjaka namijenjenih prirodnom pripustu
15. Objavljuje rezultate kontrole proizvodnosti, procjene uzgojnih vrijednosti i svih oblika testova;
16. U saradnji s drugim institucijama razvija nove metode za unaprjeđenje uzgojno selekcijskog rada;
17. Učestvuje u radu komisije za priznavanje rada uzgojnih organizacija.

Član 29.

U članu 65. stav (1), iza alineje 12. dodaje se nova alineja koja glasi:
“- ne postupa u skladu sa članom 37. ovog zakona“.

Član 30.

Član 68. mijenja se i glasi:"

(1) Najkasnije u roku od jedne godine od dana stupanja na snagu ovog zakona, federalni ministar će u skladu sa svojim ovlaštenjima donijeti propise o:

- načinu vođenja matičnih knjiga i registara uzgoja te uslove koje trebaju ispunjavati domaće životinje da bi bile upisane u matičnu knjigu i registar uzgoja;
- o načinu vođenja registara uzgajivača uzgojno vrijednih životinja;
- uslovima za proizvodnju i distribuiranje genetskog materijala i prenos zametka;
- postupku procjene vrijednosti uzgojno vrijednih i križanih životinja, te postupku ispitivanja proizvodnosti i testiranja;
- sadržaju prijave i postupku priznavanja novih pasmina, sojeva i hibrida;
- načinu rada Komisije za licenciranje i postupak licenciranja;
- uslovima koje mora ispunjavati pravno ili fizičko lice za obavljanje djelatnosti vještačkog osjemenjivanja;
- načinu rada Komisije za ocjenu muških rasplodnih grla;
- obliku i sadržaju izvještaja o vještačkom osjemenjivanju i prirodnom pripustu;
- uslovima koje moraju ispunjavati pravna lica, u pogledu stručnih zaposlenika, objekata i opreme za proizvodnju i prodaju genetskog materijala;
- propisima o ispitivanju i označavanju sjemena rasplodnjaka, zametaka i jajnih ćelija;
- pravilnik o osposobljenosti i nivou znanja uzgajivača;

- kvalitetu proizvoda životinjskog porijekla (član 39. stav (1) propis o kakvoći hrane Zakon o hrani („Službeni glasnik BiH“, broj 50/04);
- obliku i sadržaju registra uzgojnih organizacija;
- o organizaciji takmičenja, sajmova, aukcijskih izložbi domaćih životinja i izboru komisije za ocjenu grla;
- o uslovima koja trebaju ispunjavati pravna lica za obavljanje kontrole proizvodnosti domaćih životinja.

(2) Do stupanja na snagu propisa iz stava 1. ovog člana, ostaju na snazi propisi koji su doneseni na osnovu Zakona o stočarstvu ("Službene novine Federacije BiH", broj 66/13), ako nisu u suprotnosti sa odredbama ovog zakona."

Član 31.

Ovaj Zakon stupa na snagu osmog dana od dana objave u „Službenim novinama Federacije BiH“.